

全

金

诗

全

金

詩

御訂全金詩增補中州集卷二十二

金元好問原本

諸家

朱葭州自牧

二十首

自牧字好謙棣州厭次人皇統中南選宋

端卿榜登科大定初以同知晉寧軍事卒

官有詩云寒天展碧供飛鳥落日留紅與
斷霞又云水禽孤影白霜果半腮紅海氣
升孤月巖姿起暝烟山雪尋崖斷林烟逐
樹低燈殘星在壁霜重水漫余句法之
類如此

病起書事

年落衰年病轉侵醫編藥裏廢閒吟臥銷白日塵
凝屨起對青銅雪滿簪霜後癡蠅看老態天邊倦

烏識歸心維摩不出文殊去門巷蕭條翠蘚深

晨起趨省

鄰雞一鳴僕再呼三星已在東南隅
霜風遶屋何我出布衾向欲留
須臾才疎性懶真勉強饑寒見
迫誰能逋山靈笑我真有謂能使
我庾如陵乎

自鄜州歸至新市鎮時方渡險喜見桑野

閭山自天降爲田洛水自瀑舒爲淵
山川險盡鞍馬穩昔居櫟梓今乘船
三年官業無毫髮萬里裝

囊更蕭瑟歸來何以謝鄉閭細說艱難爲土物

自鄜州罷任歸宿澠池道中有虎爲暴

嶠山之阿澠之滸行路蕭條正艱阻日落山空澗

水哀市門靜閉防饑虎前年張茅殺餉婦今歲

鹽斷行旅我來萬里逐一官安可不戒爲汝脯晝

持弓矢夜枕戈靜匿兒童防笑語白額將軍莫

人世無劉琨當畏汝

赴鄜州過湖城縣武帝望思臺在焉

寒骨千年飲恨埋餘哀空寄望思臺纔令曲沃精
魂見寧與商山羽翼來趙魯典刑何足重周公畫
像可憐開忍心本自窮兵起巫蠱焉能作禍胎

晉寧感興

莫將官況說葭蘆一味蕭條稱鄙夫老圃不禁蔬
代肉樵丁還喜炕連廚兒音半已漸秦晉鄉信無
因接魯洙三見秋風落庭樹年年歸意負尊鱸

年節嵐州席上贈同知王子直中散

別時風雪暗龍津一夢經年復見君去國光陰雖
易得夾河形勢且平分心如征馬常嘶代身伴秋
鴻却渡汾此日一罇難惜醉新年風景舊知聞

送鄜州節判任元老罷任東歸二首

長途冰雪歲崢嶸客裏那堪送客行萬里歸心應
接汝一罇別酒且班荆春生汶水庭闈近人共離
陰幕府輕欲仗征鴻寄消息地寒不肯迴邊戍
都騎駸駸指汶陽關門應識棄繻郎莫寒咽浪歸

期阻細雨簷花飲興長束帶暫爲彭澤令曳裾休
忤漢梁土邊城情味君應會爲說無膠與故鄉

小雨不出寧海司理廳

吏散庭空鎖碧苔冷官門戶幾曾開疎疎細雨櫻
花落寂寂虛堂燕子來多病始知窮有鬼獨賢古
覺仕無媒故園拋擲奔馳外剛道江山未放回

過渾源留別田仲祥同知節使

金臺前夢杳無蹤一阻雲山莫計重雙鯉附書常

不達兩萍浮海偶相逢
燕南落日車分轍
代北春風酒滿鍾
明日去留牽世務
燈前談笑且從容

劉仲規挽辭

富貴康強九十春
公歸無憾我傷神
人間秀氣還
蒿岱夢裏行年屬
巳辰
名姓空留耆舊傳
衣冠不
見老成人
淒涼通德門前路
無復青蒲裏畫輪

訪山寺僧

路破蒼苔叩竹扉
晚晴夜院有餘清
幡腰落日寒

一颭簷際遙岑翠一橫種秫公田聊卒歲栽蓮僧
社擬投名從今興熟頻來往未信齋鐘午後鳴

謝吳堡知寨安巨濟贈紙百幅

百幅溪牋遠見羞故人佳餉若爲酬幸將晚節收
魚網未得良工起鳳樓柿葉學書差足慰芸香辟
蠹會須求揮毫不見雲煙落愚賈操金愧暗投

清河道中莫歸

緩轡溪邊喜乍晴夕陽流水浸孤城川平佛塔層

層見浪穩商舟尾尾行十里烟霞隨野步兩崖禾
黍撼秋聲雨暘雖有豐年兆久客都無地可耕

晚泊濟陽

江北秋陰一半晴晚涼留與客襟清
水邊畫角近城莫雲底殘陽遠樹明
旅鴈爲誰來有信斷蓬如我去無程
寥寥天地誰知己村酒悠然只獨傾

冬日擬江樓晚望

萬里長空淡落暉歸鴉數盡下樓遲
山如駭浪高

低溽天似寒灰黯淡垂紫塞西橫連統萬黃河東
下接汾睢此邦形勢雄今古只與羈人百不宜

對雪

寂寂袁安舍柴門雀可羅青氊無舊物黃竹有新
歌罷飲瓢仍棄供吟筆旋呵殷勤埽荒逕尚憶子
猷過

郊行

緩轡尋春水一涯最憐朝雨浥輕沙小溪煙重偏

宜柳平野雲垂不礙花青眼步兵元好酒黑頭江
令未還家興長不覺歸來晚過盡城頭陣陣鴉

和郭仲榮郡城秋望

城高野濶思何窮人在西風一笛中樓影不搖溪
水淨春聲相答莫山空海天引望能供碧霜樹禁
秋更倚紅回首客魂招不得蓴鱸歸興滿江東

孫內翰九鼎一首

九鼎字國鎮忻州定襄人天會六年經義
第一人在太學時遊金明作詩云片片桃
花逐水流東風吹上木蘭舟隔溪紅粉休
相認年少孫郎不姓劉弟九疇億俱有時
名三人同榜登科吳彥高贈國鎮詩云孫
郎有重名談笑取公卿清廟瑟三歎齋房
芝九莖其爲名流所稱道如此吾州文派

先生指授之功爲多年八十餘卒

甄莊三藏真身

三藏來中土時其師授記謂當逢甄而住歿後三百年見

夢於白氏

出地中

生日龜茲國來從大業年緣甄駐飛錫夢白出重

泉鐵石亦有毀筋骸何尚全應知待彌勒萬劫底

山川

附三朝北盟會編建炎三年金人試舉人

於蔚州遼人應詞賦兩河人應經義張孝

純充主文忻州進士孫九鼎爲魁

附金圖經金自侵遼之後所在以科舉取士遂有潘州榜平州榜真定榜至天會十

年海內小安下詔如契丹開闢制限以歲

三月鄉府省三試鄉中曰鄉薦府中曰府

解省中曰及第程文分兩科曰詩賦曰經

義上一場殿試則詩賦加論經義加試策

榜與魁各分焉是年趙洞爲詞賦第一人